

大藏聖教法寶標目序偈

清源居士王古

歸命正徧知如來妙法藏十方大菩薩三尊真
聖衆我今於法寶願作勝妙緣若以一毛端測
量大空界如說須彌頂是諸天住處如指海波
中大魚龍窟宅廣大殊勝處非一言可盡然其

道一

所標顯舉要非妄謬憫彼不遇者望涯而自絕

常時對寶所終身空手過西域取經亡經爲法

肯展暫能一經目即植菩提根者獲益清信樂

法人未暇徧披閱崑山取片玉滄溟採如意隨

其所欲見發函即有得未徧閱經者獲益多聞博覽人

已知龍藏者温故檢忘誤釋然得本明已徧閱經者獲益

並除彼大闡提有是種種益海墨書一義九旬

而演妙云何以片言而欲顯法要難略如來在

定時五百阿羅漢各各說所解而皆非佛意各

順正理故可依而無罪我今所撰述率稽古德

語非我妄臆說是故應信受答畢智者悟筏喻

不著文字相見月而忘指入海譏筭沙難相忘

方便有多門豈以一廢百種種皆佛事全來彰
妙用方便無礙以此勝功德願常在佛會一音所
演法歷耳永不忘如海受大雨亦如水傳器持
以利衆生如法界無盡

大藏聖教法寶標目序

竊以至理遠矣絕名言而巨測法身昭應隨語嘿以

總持露妙有之冲玄通群情之封滯由是鹿苑鶴林

之提暢谷響傳音線花貝葉之翩翻雲垂布錦爰有

法寶輝耀摩尼經律論藏汎性海之波瀾戒定慧學皎

義天之日月遊上林之春則奇葩異卉紛馥鮮妍窺王

庫之寶則美玉精金光明洞徹法寶標目者清源居

士王古所誌也公讀經該貫演義深玄舉教綱而自張覽

智鏡而神會故茲集要略盡教條溥爲來機

豁開寶藏流傳既久貝笈未收眼目所存誠

爲欠事即有

前松江府僧錄廣福大師管主八續集秘密經

文刊圓藏典謂此標目該括詳明謹錄藏中隨

街披閱俾已通教理者觀智燈而合照心之解

道一

二

未閱聖言者擲法流而澡惑業之垢一覽之
餘全藏義海瞭然於心目之間矣善哉信而
解解而行行而證證而極於言語道斷心行
處滅了最上之真空傳法王之心印燈燈聯
輝展轉分照廓法界之疆域入普賢之願海
則効報於

皇恩佛恩可知矣若夫弃經廢律歲月耽翫
受聖門之利養甘面牆之蒙塞斯文也亦可為
懲勸之一端云耳旨

大德丙子子月既望江西吉州路報恩寺講經
釋克巳序

大藏聖教法寶標目分爲四段

- 一 初總標年代括人法之紀綱
 - 二 別約歲時分記錄之殊異
 - 三 略明乘藏顯古錄之梯航
 - 四 廣列名題彰今日之倫序
- 初總標年代括人法之紀綱

自後漢孝明皇帝永平十年戊辰至
大元聖世大德十年丙午九千二百四十一年中
間譯經朝代歷三十二代傳譯之人一百九
十四人所出經律論三藏一千四百四十部
該五千五百八十六卷

經藏

道一

大乘經八百九十七部二千九百八十卷
小乘經二百九十一部七百一十卷

律藏

大乘律二十八部五十六卷
小乘律六十九部五百單四卷

論藏

大乘論一百一十七部六百二十八卷
小乘論三十八部七百單八卷

二別約歲時分記錄之殊異

自後漢明帝永平十年戊辰至唐玄宗開
元十八年庚午九千九百六十六年
中間傳譯總素總二百七十六人所出大小乘

三藏教文九九百六十八部四千五百單七卷
上開元錄所紀

自唐開元十八年庚午至德宗貞元五年己巳

九六十年中間傳譯三藏八人大乘經論及念

誦法二百二十七部二百四十二卷上貞元錄所紀

自唐貞元五年己巳至宋太宗興國七年壬午

九一百九十二年中間並無譯人其年壬午始

建譯場至真宗大中祥符四年辛亥九二十九

年中間傳譯三藏六人所出三藏教文二百單

一部三百八十四卷紀上祥符錄所紀

自宋仁宗景祐四年丁丑至今

大元聖世至元二十二年乙酉九二百五十四年中間

傳譯三藏四人所出三藏教文二十部二百十

五卷其餘前錄未編入者經律論等五十五

部二百四十一卷通前七十五部二百五十六卷

依拾遺編入

二略明乘藏顯古錄之梯航

開元錄所紀經律論二千一十六部四千五百單七卷

經五百六十三部二千五百三卷 百三十三卷

律二千六百五十四卷 五卷

論二千七百五十八卷 十五卷

經三百四十四部六百十八卷 四十八卷

律五千四百四十六卷 四十五卷

論三千六百九十八卷 七十一卷

貞元錄所紀經論二百二十七部二百四十一卷

經二百二十五部二百四十卷 二十三卷

論二部二卷

祥符錄所紀經律論二百部三百八十四卷

經二百四十部二百九十卷 三十卷

律一部一卷

論二十一部二十九卷 三卷

經四十四部六十九卷 七卷

律五部五卷 一卷

景祐錄所紀經律論十九部一百五十卷

經九部二百八卷二十一卷

律一部一卷

大乘論二部二十八卷三帙

小乘經六部一十一卷一帙
律一部一卷

弘法入藏錄及拾遺編入經律論七十五部二百五十六卷

論六部六十一卷七帙

經一部十二卷一帙

大乘律九部五十二卷五帙

論一部一十卷一帙

弘法入藏聖賢傳記不在其數

四廣列名題彰今日之倫序如文

蓮一

五

大元續集法寶標目卷第一

般若部總二十一部七百三十六卷七十三帙

大般若波羅蜜多經六百卷

天字至柰字號六十帙函號依印經院有本

右佛於天上人間四處十六會說西域本有

二十萬偈此方八部成在其中唐三藏法師

玄奘取全本於西域於玉華寺譯成六百卷

般若空宗此焉周盡初法師將順眾意如羅

什所翻除繁去重於夜夢中有極怖畏事還

依廣翻即見殊勝境界遂不敢刪依梵本譯

慶成之日般若放光諸天雨華空中音樂異

香芬烈法師曰此鎮國之典人天大寶經自

記此方當有樂大乘者國王大臣四部徒眾

書寫受持讀誦流布皆得生天究竟解脫出三藏法師傳

謂諸佛之母也開元釋教錄云諸經以般若建初者

般若六度之一數也五度未與大名唯此般

若圓宗獨稱尊大乃是眾妙之淵府群智之

玄宗萬法之本原眾聖之圓極所以前五但

為佐助與般若作其輔翼唯此獨立大名般

若者此云智慧也出經音疏序

第一會王舍城鷲峯山說第一卷至第四百卷文字至霜字號

右四十帙八十五品新譯此方舊來流傳佛

在鷲峯菩薩聲聞眾集佛於一身分放大

光明其光徧照三千大千世界及十方瓊伽沙諸佛世界十方諸佛各遣大菩薩衆持金蓮華奉釋迦佛佛知衆集告舍利弗爲諸菩薩衆說般若波羅蜜多舍利弗滿慈子與佛問答演說初會四百卷經中說一切法五蘊十二處十八界十二緣生三十七菩提分法

四靜慮定四無色定八解脫八勝處九次第定十徧處如來三身四智十力四無畏四無量心六神通十八不共法三十二相八十種好一切功德皆從六波羅蜜生般若波羅蜜多最大最勝最爲第一更無過者餘五波羅蜜皆攝入此般若波羅蜜中一切諸法若無

般若不得名爲到彼岸故

佛說內空內六根空故外空外六塵空故內空外空根塵皆空故空空一切法空故大空十方皆空故勝義空涅槃亦空故有爲空三界皆空故無爲空無生住異滅故畢竟空諸法竟不可得故無際空無初中後故散空散謂

有放有弃有捨可得此由散空無變異空無放無弃無捨本性空一切法非佛所作本性空故自相空一切法自相皆空如變礙是色自相領納是受自相等共相空謂一切法如苦是有漏法共相無常是有爲法共相空無我是一切法共相等一切法空謂五蘊十二

處十八界有色無色有見無見有對無對有漏無漏有爲無爲法皆空故不可得空三際不可得故無性空無少法可得故自性空諸法能和合自性空故無性自性空諸法無能和合性有所和合自性皆空故五十六波羅蜜三解脫十力十八不共一切智四果二乘

十地究竟涅槃皆如夢如幻設更有法勝涅槃者我亦說爲如夢如幻何以故幻化夢事與一切法乃至涅槃皆悉無二無二分故一切諸佛一切功德無不皆從此般若波羅蜜多所生故一切三乘賢聖五果福地乃至人天富樂自在福德吉祥亦不離此般若波

道一

七

羅蜜多一切世出世間諸功德善法若無般
若為其先導如人無眼則無所往

若人受持讀誦恭敬供養繫念在心而不忘
失者即知是成佛之前相去佛非遠故如是
之人一切魔怨外道不能惱亂一切毒藥毒
蛇惡獸不敢傷害諸惡鬼神悉皆遠離水火

風災亦所不及若入軍陣刀箭不中戰鬪得
勝一切災難無不滅者

則法師序云大般若經者希代之絕唱曠劫
之遐津光被人天括囊真俗誠入神之奧府
有國之靈鎮舊已譯八部纔現半珠今具十
六會乃握全寶義既天悠辭仍海溢且為諸

分之本又是前古未傳此初會經四百卷八

十五品矣

唐西明寺沙門玄則序
則同預美法師譯會三

第二會四百一至四百七十八卷

金字至
蓋字

右則法師序云舌覆大千身分巨億普利六
趣震動十方是使微塵刹土不動而遊恒沙
諸佛不謀而證非般若至蹟孰能致此同幻

花之開落不滅不生比夢像之妍媸無淡無
淨穢谷投響則毀譽共銷月池寢色則物我
俱謝文優理詣感通悟永此會凡八十五品
七十八卷即舊大品光讚放光本同譯別然
大品之於光讚詞倍豐而加美此分之於大
品文益具而彌正攢輝校實豈不盛歟舊譯

闕常啼等品餘意大同

第三會從四百七十九卷至五百

三十七卷尚
字至珠字

右新譯三十一品五十九卷於舊無涉

佛言若諸菩薩欲疾證得一切智智應學般
若波羅蜜多欲超聲聞獨覺等地欲住菩薩
不退轉地欲得殊勝六種神通欲以一念隨

喜之心超過一切聲聞獨覺施戒定慧忍進
欲以一食一香一華一燈一衣一蓋一幢一
幡供養十方沙界如來欲滿足六波羅蜜欲
得一切如來殊勝功德欲得如上無量無邊
殊勝功德應學般若波羅蜜多

四百七十九此但
略出詳如本經

第四會從五百三十八卷至五百五十五卷

夜

右第八譯二十九品一十八卷

一切凡夫剖名相之符保癡愛之宅所以措懷有著擬議必違至真反此動寂斯會以假名般若授假名菩薩是持幻法與幻人故無作亦無得此晨蟬之語歲夢蝶之議覺乎此會一十九品一十八卷即舊小品道行新道行明度經品之為言分也分有長短故有小品大品焉道行即分中之初品譯者取以別經明度乃智度之異言即就摠目為號寔由殘闕未具故使名題亦差今大教克圓鴻規允布心術之要可復道哉出則法師序開元釋教錄云放光大品新舊譯耳大品為新放光為舊

第五會十卷 光

右二十四品第五百五十六卷至五百六十五卷

佛言若諸菩薩但聞般若波羅蜜多尚獲無邊功德勝利況深信解如說修行是諸菩薩近一切智安住真如疾證菩提若有菩薩說聲聞法今三千大千世界一切有情悉皆證

得阿羅漢果所獲福聚甚多若菩薩為諸有情宣說般若乃至一彈指頃所獲福聚甚多

於前五百六十品五流通品則法師序曰夫見生死者三有著涅槃者二

乘知生死空斯出三界矣知涅槃空斯過二地矣此會二十四品十卷舊未傳譯是大經道一

略譯覽者固當不以抵羽而輕積珍矣

第六會八卷自第一會至第六會並在鷲峯山說菓

右十七品第五百六十六卷至五百七十三卷最勝天王問佛說即舊勝天王般若本同譯別此第二譯發明弘旨敞拔幽關因已法寶駢映義林交積則法師序

第七會室羅筏城給孤獨園說曼殊室利卷分二

右第五百七十四卷至七十五卷與舊譯文殊般若本同譯別此第三譯

則法師序曰即相無觀真如之壯觀即慮無知種智之默識既泯修而造修亦絕學而趣學狀其區別則菩提萬流斷其混茫則涅槃

一相一相則不見生死萬流則無非佛法不壞假名而開實相法尚不有何有菩提尚無菩提何有證得此會即舊譯文殊般若矣

第八會一卷

右一品那伽室利分第五百七十六卷

與舊譯濡首菩薩分衛經本同譯別此第三

譯則法師序曰縱觀空術澄襟海定蚤樓切景知積氣以忘躋鸞鏡含姿悟惟空而輟覽故能自近鑒遠由真立俗識危生之露集知幻質之泡浮電倏青氣之輝雲空軒蓋之影文約理贍昔秘今傳雖一軸單譯而三復固多重味矣

第九會

第八第九會並
在給孤獨園

說能斷金剛分一卷

右第四譯第五百七十七卷與舊金剛般若本同譯別凡本具云能斷金剛般若欲明菩薩以分別為煩惱而分別之惑堅類金剛此經所詮無分別慧乃能除斷故知舊譯失上二字又下文三問闕一九喻闕三法師具依

梵本翻譯出三藏
法師傳

則法師序冲照倬存逸韻遐舉承閑語要三問傑其標節理情塗兩如肅其致窮非想以布想攝衆度以檀度格虛空而未量汎聲香而不住忘法身於相好豈見如來分刹土於微塵誰為世界河沙數非多之多福山王比

道一

十

非大之大身法性絕言謂有說而便謗菩提離取知無授而乃成皆所以拂靄疑津剪萌心逕廣略二本前後五譯無新無故逾煉逾明經卷所在則為有佛故受持之迹其驗若神傳之物聽具如別錄

第十會他化自在天王宮說般若理趣分一卷

右一卷第五百七十八卷與後譯實相般若

本同譯別

般若理趣分者蓋乃覈諸會之旨歸縮積篇之宗緒心凝旨負義皎詞明言理則理遠寰中談趣則趣冲垓表雖一軸單譯而具該諸分若不留連此旨咀味斯文何能指晤遙津

搜奇密藏矣則法師序

第十一會說施波羅蜜多分卷五 李

右新出無舊譯從五百七十九卷至五百八十三舍利弗言若菩薩欲證無上菩提一切行中應先行施作如是念我施十方界一切有情令永解脫惡趣生死未發無上菩提心者今速發心已發心者令永不退已不退者今速圓滿一切智智以布施善根勿招餘果唯證無上菩提能盡未來利樂一切如是乃名布施波羅蜜多普令一切波羅蜜多皆得圓滿若無後心緣一切智回向菩提雖行布施而非波羅蜜多亦不能令餘所修習波羅

連一

上

蜜多速得圓滿亦不能得一切智智菩薩知一切法如幻化故行布施時無實可捨證正覺時實無所得如二幻師戲為交易此中二事俱非實有佛神力故今舍利子及大眾等見十方佛剎中諸菩薩廣大布施財施法施身命施等佛言求大菩提當如是施

第十二會說戒波羅蜜多分卷五

右新譯從五百八十四卷至五百八十八夫欲儲淨法先滌身器將越愛流前鳩行穢戒者切身口而流訓則一言一行斯佛事矣因動靜以研幾則舉足下足皆道場矣誠嶮道之夷蹙闇室之疑缸度疫之倦丸出苦之神馭也五卷單譯一如施分則法師序

第十三會說忍波羅蜜多分卷一

右新譯第五百八十九卷佛言一切法皆如幻化畢竟性空畢竟空中無所諍竟令彼聞已闢諍心息其心平等猶若虛空不相伺求種種瑕隙由斯感得大文夫相所莊嚴身一切有情見者歡喜乃至證得清涼涅槃畢竟安樂

則法師序曰將夷道標為坦心怨播親親於蠢徒闢蕩蕩於情路雖毀甚矛箭害窮齏粉必當內蠲我想外抵人相目鄰虛之有間投刃曷傷念機關之無主觸舟奚苦如大浸稽

空而空無弱懼積滂歸澤而澤無垢念況已謝之聲毀譽一貫既遷之色損益同科不有來損則攝受之路無從不有往慈則菩提之行無主翻為善友更領深恩聞警劇然竹之娛得捶踰捧戴之悅太子之二目兼喪曾靡一心僊人之七分支解方酬七覺百才集體

百福之相開萬惱縈身萬德之基立語其大力則拔山無以喻談其無畏則賈勇弗之論一軸單譯不其要歟

第十四會說勤波羅蜜多分卷第十一至十四會並在給孤獨園

右新譯第五百九十卷惟夫淺溜穿石小滴道一

盈器鑽燧之勤斷幹之漸皆積微不已故在著可觀單卷新譯別法師本經中詳說諸菩薩懈怠精進行相

第十五會鷲峯山說靜慮波羅蜜多分卷二

右新譯第五百九十一九十二卷 柰夫心之用也夫矣哉動則舛竟聿興靜則衆

變幾息大之充法界細之入鄰虛故海嶽寰區心之影也形骸耳目心之候也生死運迴心之迷也菩提昭曠心之悟也三界唯此寔曰難調一處制之斯無不辨沈掉雙斥止觀兩明故統之則一如權之則二相敬之則三脫依之則四神行之則五印檢之則六念聚

之則七善流之則八解階之則九次第之則十徧其餘四念四等之傳五根五力之類如泥之在鈞金之在銀唯所用耳豈有限哉故能力味精通神妙揮忽日月上掩川嶽下搖身徧十方聲罩六趣水火交質金玉易形殫變化之塗出思議之表別法師本

第十六會竹林園中白鷲池測說般若波羅蜜多分八卷

右新譯五百九十三卷至第六百

佛言若於般若波羅蜜多甚深法門受持一句尚獲無量無邊功德況於此大般若經能具受持轉讀書寫供養流布廣為他說彼所

獲福不可思議說此法時無量無數菩薩得無生法忍復有無邊諸有情類皆發無上正等覺心爾時如來記彼決定當證無上菩提放光般若波羅蜜經二十卷或三十卷三快 菜重

右佛將說法先入三昧於一身分放大光明徧十方大千世界衆生見光皆得不退佛

出廣長舌相放無量億百千光化為千葉金色蓮華上皆有佛坐一一化佛皆說六波羅蜜衆生聞者皆發大菩提心此經二十卷九十品與前大經同

摩訶般若波羅蜜經四十卷亦名大品般若經或三十卷四快 芥薑海

光讚般若波羅蜜經十卷或十卷五卷 鹹
右三經與大般若第二會同本異譯其光讚般若比於新經三分將一至散華品後文並闕按姚秦僧款小品序云斯經正文凡有四種是佛異時適化廣略之說也其多者云有十萬偈少者六百偈此之大品即是天竺之

中品也准斯中品故知與大經第二會同梵文也龍樹菩薩造智度論釋大品經

摩訶般若波羅蜜鈔經五卷一名須菩提品亦名長安品 河
右與小品道行經等同本異譯故初題云摩訶般若波羅蜜經道行品第一但文不足三分過二准道行經後闕十品

道行般若波羅蜜經十卷亦名般若道行淡

小品般若波羅蜜經十卷或七卷或八卷一快 鱗
大明度經四卷 潛

右四經與大般若第四會同本異譯

勝天王般若波羅蜜經七卷
右與大般若第六會同本異譯

文殊師利所說摩訶般若波羅蜜經二卷 羽

梁扶南三藏曼陀羅僊譯第一

右亦名文殊般若波羅蜜經初無十重光後有一行三昧文言文殊師利童真者是又編入寶積在第四十六會與後經名同
文殊師利所說般若波羅蜜經一同

梁扶南三藏僧伽婆羅譯第二

右初有十重光後無一行三昧文言文殊師利法王子者是此本稍廣又此二經亦牙有廣略與大般若第七會曼殊室利分同本異譯

濡首菩薩無上清淨分衛經一卷一名次了請法如幻化三昧經

此與大般若第八會那伽室利分同本異譯新舊相比舊經稍廣

右文殊菩薩與龍吉祥菩薩等執應器錫杖入城乞食舍利子須菩提等問答說佛性雖垢染故名無上清淨法身無像都無煩勞無了不了如幻化影響無心無念無言無說說

是法身清淨功德時有百億菩薩天人等得無生忍者發菩提心者一生補處者共歎菩薩功德無量

金剛般若波羅蜜經一卷

秦鳩摩羅什譯第一

金剛般若波羅蜜經一卷

魏菩提留支譯第二

金剛般若波羅蜜經一卷

陳真諦譯第三

能斷金剛般若波羅蜜多經一卷

唐玄奘譯第四

能斷金剛般若波羅蜜多經一卷

義淨譯第五

右五經同本異譯三師造經論解在第九會同釋此經

實相般若波羅蜜經一卷

右與大般若第十會般若理趣分同本異譯西域梵文有廣略二本故實相理趣文意乃同況大小異

佛為諸菩薩說實謂其實不虛妄故相謂體相自性凝寂故具真如常寂之義故名實相仁王護國般若波羅蜜經二卷或一卷

右佛為十六國王等說法欲滅時一切有情造惡業故國土災難竟起日月星變水火兩電賊盜飢疫兵戈鬼神等種種災異說救護

法國王眷屬百官百姓皆當受持般若七難
即滅皆得安樂佛說菩薩行位五忍十五地
等法廣如本經

摩訶般若波羅蜜大明呪一卷

鳩摩羅什譯出經題
第一譯

般若波羅蜜多心經一卷

唐玄奘譯第二

二經同本異譯仁王般若等三經大義雖通
大部全本大部中無是支派
無非從
做出矣

右二經於六百卷大般若中此為要略若受

持讀誦有殊勝功德菩提不遠一切魔怨外

道毒藥蛇獸諸惡鬼神水火軍陣刀箭風災

不能為害唐三藏法師到流沙逢無量鬼神

醜惡凶猛唯念般若心經聲發即皆散滅三出

藏法
師傳

寶積部總八十二部一百六十九卷 一十七帙

大寶積經一百二十卷翔字至文
字十二帙

右此經新舊重單合譯共四十九會合成一

部歷代譯者摘會別翻而不終部帙唐南印
度菩提流支翻譯二十六會三十九卷並流
支新譯二十三會八十一卷舊譯者止勒同
編入共成一部列會如左

第一三律儀會三卷

翔

右與舊大方廣三戒經同本異譯從第一卷

至第三卷

大迦葉問佛若諸眾生求於佛法力無畏者
攝受何法而修行增長成熟諸如來道證入
菩提得不退轉佛說此經名演說三戒亦名
說菩薩禁戒亦名集一切佛法在家出家菩
薩修行法門成就退失菩提法詳如本經

第無邊莊嚴會四卷

右從第四至第七卷

無邊莊嚴菩薩為諸菩薩求一切智善巧地
者令得圓滿不思議願及一生補處所有善
根等願佛開示如是法門佛說此經是無邊
辯才攝一切義善巧法門由此能照了一切

法斷一切疑

第三密迹金剛力士會七卷

右從第八卷至第十四

龍

密迹金剛說如來身口心三秘密目連欲窮佛聲邊際過西方九十九恒河沙佛土終不能得其音常近不遠應持菩薩過上方百億

恒河沙佛土欲見佛頂相亦不能見樓至如來於賢劫千佛中最後成佛住壽長遠所度弟子一切聖眾等與九百九十九佛適等無異不可限量賢劫諸佛出世時密迹常持金剛侍衛其金剛杵擲於虛空復立于地帝釋目連盡其神力皆不能動密迹說是不可思

導一

十七

議法時菩薩天人無央數發菩提心得法眼淨無生法忍諸佛世界六返震動大光明照十方無量佛土

第四淨居天子會二卷

右舊譯名菩薩說夢經新改名淨居天子會當第十五及十六卷

佛說諸菩薩修行有夢中所見一百八相

第五無量壽如來會二卷

第十

右與舊無量清淨平等覺大阿羅陀無量壽經等同本異譯當第十七十八卷無量壽經四十八願平等覺經彌陀經皆二十四願文異理同與寶積經第五無量壽會同本異譯

皆說極樂國勝妙彌陀願力勸人往生

第六不動如來會二卷

第二

右與舊阿閼佛國經等同本異譯當第十九卷及二十卷

說妙喜世界種種勝妙不動佛行願功德

第七被甲莊嚴會五卷

師

右新譯從第二十一卷至第二十五

佛為無邊慧菩薩說菩薩被大甲冑乘于大乘行于大道持大法炬於大法光擊大法鼓靈大法兩此大菩提法為諸眾生作大饒益第八法界體性無分別會二卷
右與姚秦童壽所譯法界體性經同本異譯

當第二十六二十七卷

文殊師利說法界體性無汙染淨亦無向得無解脫者是心體性空無有實從妄想起非生住滅無縛無脫無向無得是經如佛光明一切普照

第九大乘十法會一卷

右與梁衆鎧所譯大乘十法經同本異譯當

第二十八卷

十法者一信成就二行成就三性成就四樂菩提心五樂法六觀正法行七行法順法八捨憍慢九善解如來祕密之教記聲聞得菩提言我皆痛言我老弊問者婆暨藥逐諸外

道一

十八

道捕勝金槍馬麥提婆宿然乞食空鉢木器合腹誇等皆是善巧方便為後世衆生利益故十者心不希求聲聞乘獨覺乘行是十法名住大乘此經能施一切衆生慧目大乘菩薩所當修學當得菩提

第十文殊師利普門會一卷

右與舊普門品經等同本異譯當第二十九卷

佛說普入不思議法門色聲香味觸法八部三塗貪瞋癡善不善有為無為等二十八三昧平等法門若能受持則為受持八萬四千方門說是經時七十二萬億那由他諸天一百八十萬人等發菩提心九萬二千菩薩得

無生忍天魔憂苦涕泣如中毒箭衆生聞是經決定得不退轉空我境界

第十一出現光明會五卷

火

右新譯從第三十卷至第三十四月光童子問佛往昔修何等業得此無量無邊種種色光明佛為說如來因地善根資糧

圓滿成就相好光明等法門



第十二菩薩藏會二十卷

帝

右從第三十五卷至第五十四

三藏法師自西域回首譯出此經經初說王舍城五百長者問佛觀何等相棄捨家法悟大菩提佛言我觀世間衆生為十

道一

十九

苦所逼十惱害相憎嫉入十種惡見稠林爲十種大毒箭所中十不善道染汙纏縛我以是等故捨家趣無上道五百長者皆證阿羅漢次說如來十種不思議法一者如來身二者音聲三者智四者光五者戒定六者神通七者十力八者四無畏九者大悲十者不共

佛法四無量心六波羅蜜三十七品法門四諦十二緣四攝等法檀波羅蜜中說過去善攝受如來因地爲紡績人日以一縷微線施佛願未來世成等正覺由此福故十五拘脰劫不墮惡道千反爲輪王帝釋累劫奉事諸佛致成菩提第一卷精進波羅蜜中說過去熾然精進如來因地修行時於千歲中不於彈指頃起睡眠及念欲樂心不起稱量飲食鹹淡甘苦心不觀授食人面是男是女於樹下坐不一仰觀樹相於千歲中不曾起念論世間無益之語起如是妙行修如是道迹勇猛精進未曾休息第七十釋迦如來因地作天

帝釋於瞻部洲大疾疫劫化大身令病苦衆生割截身肉食已病愈以願力故隨割隨生食其肉者乃無一人墮於惡道皆住三乘得不退轉有如是力八十如是等微妙法門不可具舉佛言欲疾證得菩提者當於如是大菩薩藏微妙法門猛利殷重讀誦修習廣爲

他說此是諸菩薩等聖珍寶藏當勤修學如我所證

第十三佛爲阿難說處胎會一卷

右與舊胞胎經同本異譯當第五十五卷

第十四佛說入胎藏會二卷

右唐舊譯單大當第五下六卷及五十七此

胎藏會本名佛爲難陀說出家入胎經在根本說一切有部毗奈耶律第十一卷
三藏義淨說人受生入胎種種事本同譯別折出列行
入胎藏會經初說佛種種方便化難陀離欲出家事經末說難陀往昔設浴供佛等緣致金色身具三十相短佛四指今得證果事比舊經增多

尊

二十

第十五文殊師利授記會三卷

右與文殊師利佛土嚴淨同本異譯從第五十八卷至第六十

說菩薩嚴淨佛土種種行願及普見如來佛刹種種勝妙功德西方極樂世界莊嚴如一滴水普見佛刹莊嚴如大海水壽量聚會不可思議十方無量無邊佛刹中一切如來皆是文殊之所勸教成就

第十六菩薩見實會十六卷 官

右從第六十一卷至第七十六佛成道已還迦毗羅城將化父王時國人迎佛天龍八部圍繞禮敬佛現神通說法授諸

天人非人及外道等菩提記佛為淨飯王等說六界差別法門七十三至七十六地水火風空識界十八界一切法皆空諸根如幻境界如夢此法是一切菩薩之所修行一切諸佛之所證得次四轉輪王品說佛往昔為轉輪王七寶具足福力殊勝與帝釋分座以貪欲故從

天墮沒以不放逸故於帝釋所亦無貪著說是經時淨飯王等七萬釋種得無生忍佛記皆當往生無量壽佛國後皆成佛

第十七富樓那會三卷

右舊譯本名菩薩藏經亦名大悲心經同本異譯從第七十七卷至第七十九

說諸菩薩修行布施精進忍辱多聞修慈修喜等法致不退轉大悲品說佛昔因夜闍然兩臂照道救失路諸賈客為大畜身以血肉施諸衆生乃至一劫為大力王以身分割施婆羅門八萬四千歲中為惡魔罵辱心不瞋恨亦不言我有何罪無量百千萬世割肉刺血施諸衆生如是種種難行苦行

第十八護國菩薩會二卷 入皇

右當第八十卷及八十一護國菩薩問佛菩薩修行王等於一切法增長功德到究竟處而得自在入一切智佛為說清淨無畏喜捨調伏退墮障道繫縛等法

說佛昔因爲國王王子商主女人及爲鹿馬師象龜猿雉兔等受種種身捨施身命利益衆生求無上道略說五十餘緣次說無量壽釋迦阿閼佛昔爲國王王子天神供養諸佛本緣

第十九郁伽長者會一卷

右與法鏡經及郁迦羅越問菩薩行經等同本異譯當第八十二卷
說在家種種過患功德出家菩薩修行功德之法

第二十無盡伏藏會二卷

右新譯當第八十三卷及第八十四卷
說菩薩五種伏藏成就殊勝功德速證菩提

第二十一授幻師跋陀羅記會一卷

右與舊幻士仁賢經同本異譯當第八十五卷王舍城中幻士以幻術變化諸佛及僧供養心中念悔欲得滅没所化莊嚴等以佛神力令不滅没七日佛言一切諸法如我之身

又大千世界皆如幻化爲跋陀羅說法授記

第二十二大神變會二卷

右新譯當第八十六卷及第八十七卷說如來有大神變說法教戒神通等事後說商主天子授記成佛

第二十三摩訶迦葉會二卷

右當第八十八卷及第八十九卷說破戒妄言得果貪著名利嫉妬瞋害種種罪相教誡切至

第二十四優波羅會一卷

右與舊決定毗尼經同本異譯當第九十卷說菩薩聲聞戒律持犯開遮輕重盡護不盡護種種差別等法

第二十五發勝志樂會二卷

右與舊發覺淨心經同本異譯當第九十一卷及九十二卷
說初業菩薩業鄣闇鈍好世話睡眠戲論廣營衆務貪著所不應爲忘失正念行迷惑捨

由昔惡業久墮地獄故福慧微少懺罪發願後當得生彌陀佛國當捨利養當觀察憤悶世話睡眠營務戲論各有二十種過失

第二十六善臂菩薩會二卷

右舊譯當第九十三卷及第九十四

佛說菩薩當具足六波羅蜜法

第二十七善順菩薩會一卷

右當第九十五卷此經與過字函須賴經同

本異譯解在彼經

第二十八勤授長者會一卷

右當第九十六卷

佛為五百長者說發菩提心者所應學應住

蓮一

二十三

應所修行法門於身命財妻子屋毛飲食車服一切樂具應無所著應觀此身無量過患四十四種可厭惡事長者聞法得無生忍授成佛記

第二十九優陀延五會一卷

右與舊優填王經同本異譯當第九十七卷

新說三經
手佛黃略佛說就著女色欲染過患苦切詳悉

第三十妙慧童女會兼後一卷

右與舊兩譯須摩提經及流志先譯妙慧童女經同本異譯當第九十八卷從初至半

王舍城長者女名妙慧年始八歲問佛云何得端正身得富貴身得眷屬不壞得蓮華座

化生佛前從一佛土至一佛土處世無怨所言人信離邪清淨能離諸魔臨終諸佛現前

佛為說四十行童女授成佛記即變成男子

第三十一恒河上優婆夷會與前同卷

右當第九十八卷從半至末說一切法如幻化如虛空心尚不可得何況心所生法一切

法皆無所得名真修梵行往昔千佛亦於此處說如是法

第三十二無畏德菩薩會一卷

右與阿闍世王女阿術達菩薩經等同本異譯當第九十九卷

無畏德年始十二見聲聞不起不迎不問不

禮王問之云轉輪聖王迎小王不帝釋迎餘天不大海神禮河池神不日月光神禮螢火不如是等廣說二乘與大菩薩人種種差別與舍利目連迦葉須菩提問答妙法見佛即轉女身受成佛記

第三十三無垢施菩薩應辯會一卷

蓮一

二十四末

右與離垢施女經及得無垢女經同本異譯當第一百卷

波斯匿王女年始八歲與夫聲聞迦葉舍利弗等本菩薩文殊觀音等問答法要見佛問法即轉女身授成佛記

大藏聖教法寶標目卷第一

大藏聖教法寶標目卷第二

第三十四功德寶華敷菩薩會

制

右當第一百一卷從初至半說持誦十方現

在佛名所得殊勝功德

第三十五善德天子會

與前同卷

右與流志先譯文殊師利所說不思議佛境

蓮二

乙

界經同本異譯當第一百一卷從半至末文殊演說諸佛不思議甚深境界

第三十六善住意天子會四卷

右與如幻三昧經及聖善住意經等同本異譯從第一百二卷至第一百五

文殊放大光明召集十方諸菩薩眾不可計

數諸大弟子入四萬三昧而不能是善住天子已曾供養多佛入深法忍辯才無礙文殊與俱見佛問法是經說甚深法不施不慳不戒不犯不忍不諍不進不怠不禪不亂不智不愚無凡夫無佛不因緣不無緣等法門過去已有七十四億那由他百千諸佛說此法彌勒賢劫未來千佛亦爾又欲度造逆罪菩薩故文殊持劍逼佛佛為說法諸菩薩得無生法忍

第三十七阿闍世王子會

兼後三卷

右與舊太子刷護太子和休二經同本異譯當第一百六卷從初至半刷護和休王太子